


P360/2
LUGANDA
(Okukyusa, Okuwandiika
Emboozi, Okusoma Bwino
N’okufunza)
Olupapula olw’okubiri
July/Aug. 2022
3 hours



AITEL JOINT MOCK EXAMINATIONS

Uganda Advanced Certificate of Education

LUGANDA

(OKUKYUSA, OKUWANDIIKA EMBOOZI, OKUSOMA BWINO N’OKUFUNZA)

Olupapula olw’okubiri

Essaawa Ssatu (3)

EBIGOBERERWA

*Olupapula luno lugabanyiziddwamu ebitundu bina **A,B,C**, ne **D**.*

*Ebitundu **A**, **C** ne **D** byabuwaze.*

*Mu kitundu **B** oweereddwa ebyo ’kulondako by’oyagala okuddamu.*

Ddamu nga bw’olagiddwa mu buli kitundu.

EKITUNDU A
Ddamu 1(a) ne 1(b)

1. (a) Kyusa ekitundu kino okizze mu Luganda. (Obubonero 15)

OVER 330 CONGOLESE FLEE INTO KASESE

More than 330 Congolese have fled into the western Uganda district of Kasese following bloody terrorist attacks in which at least 20 civilians died in two villages. The Congolese comprising mostly women and children fled early Sunday into the mountainous Kitholhu sub county after suspected Allied Democratic Front (ADF) terrorists attacked Masambu and Ngyingi villages about 10km inside the DR. Congo from the common boarder.

The newly appointed Deputy Resident District commissioner for Bukonzo county, Lt (Rtd) Maate Magwara confirmed that the fugitives were being temporarily housed at Kasingo and Kiraro Anglican and Catholic churches respectively. "We suspect one of the groups retreated to Virunga National park while another could have fled to the Congolese side of Mt. Rwenzori" security sources in the affected Congolese locations said on Sunday.

(An extract with minor modification from the New Vision Wed 6th April 2022 article written by John . B. Thawite.)

1. (b) Kyusa ekitundu kino okizze mu Lungereza. (Obubonero 15)

LWAKI AMASOMERO GASAZE KU TERM?

Bya Vivian Nakitende

Gavumenti bwe yaggulawo amasomero nga 10 Gatonya 2022 yalaga nti olusoma olusooka luggwako 15 kafumulampawu. Kyoka amasomero mangi n'addala ag'obwannanyini gaatandise okuwummuza abayizi wiiki ewedde nga term entongole ebuzaayo wiiki bbiri nnamba!. Kino kitabudde abazadde ng'abamu babuuzza oba wiiki ebbiri amasomero ze gasaze ku ttaamu tekigenda kukosa bayiza abaamala emyaka ebiri ku muggalo nga tebasoma. Amasomero agamu abayizi olwamaliriza ebigezo ne gabasindika awaka nti baliddayo wiiki ejja okunona lipooti.

Okuva ku lwokutaano lwa wiiki ewedde amasomero naddala agobwa nnannyini, gaatandise okusindika abayizi awaka. Agamu gakyogeddeko kkaati nti emiwendo gy'ebintu eginnye tegibasobozesa ku kuumira bayizi mu ssomero ng'ate n'ebibuuzo biwedde Omwogezi wa minisitule y'ebyenjigiriza Dr. Denis Mugimba yagambye nti amasomero kye gakoze si kituufu kubanga gaalagirwa okusomesa wiiki 14 kyokka abamu basomesezzaako wiiki 11 abalala 12 ne basindika abayizi okudda eka nga ne ffiizi baazimalayo.

(Ttundutundu Erisimbuliziddwa Okuva Mu Bukedde Lwakubiri 5/2022)

EKITUNDU B

Kola 2(a) Oba 2(b)

2. (a) Londa omutwe gumu ku gino oguwandiikeko emboozi yabigambo 350 – 500.
(Buli mutwe gwa bubonero 30)
- (i) Osekanga olekamu.
 - (ii) Wandika emboozi nga esembyayo ebigambo bino, “okuva olwo nalayira obutaddamu kwesiga kitonde kikazi!!”
 - (iii) Obwavu obukudde ejjembe ensangi zino yekanaaluzaala w'obutabanguko mu maka. Kubaganya ebirowoozo.
 - (iv) Enva endiirwa mu Buganda.

OBA

2. (b) Ku mitwe egikuweereddwa, londako ebiri buli gumu oguwandiikeko emboozi yebigambo 200-250.
- (i) Wandikira minisita w'Ebyenjigiriza ebbaluwa ng'omuteegeza okusoomozebwa N'ebizibu ebiriwo okuva amasomero lwe gaggulawo. (S.1 and S.2)
 - (ii) Gwe nga minister w'ebyokwerinda n'obutebenkevu mu ggwanga, wandika by'onayogera eri eggwanga nga osinziira ku mpeewo ya leediyo emu kungeri gyetulina okulwanyisaamu ebijambiya ebicaase ennyo ensangi zino.
 - (iii) Gwe obaddewo nga poliisi ennyulula omwana omuto mukaabuyonjo. Wandika eggulire erinafulumira mu lumu ku mpapula z'amawulire.

- (iv) Gwe eyaweereddwa omulimu gwokunoonyereza ku ngeri abantu gyebakozesaamu emikutu gimugattabantu (yintanenti) ensangi zino, wandiika by'onowa mukamaawo.

EKITUNDU C

Soma ekitundu ekikuweereddwa wammanga n'oluvannyuma oddemu ebibuuzo ku nkomerero yaakyo.

3. NGA TUJAGANYA OLW'AMATIKKIRA AGOOKUBIRI ABAGANDA TUDDEMU OKWEJUUBA.

Ebula mbale tutuuke ku kijaguzo ky'okukuza olunaku lw'amatikkira ga Kabaka wa Buganda, Mutebi Owookubiri ag'omwaka ogwokubiri. Awatali kuwannaanya olunaku luno lukulu nnyo eri buli Muganda yenna gy'ali. Anti ku lunaku luno Buganda kwejaganyiza olw'okuba ku olwo lwe yeeyambula obwamulekwa!

Buli Muganda yenna gy'ali ateeddwa okulaba nti Buganda eddawo mu bujuvu era nga n'ekitikiro kyayo kinywedde gguluggulu. Lwaki kimusaanidde okukola bwatyo? Ng'ajaganya ku lwa Kasambula 31, Omuganda yenna kimusaanidde okujjukira nti okusigala obusigazi nga Muganda nga tanywezezza ggwanga lye Buganda wamu n'ekitikiro kwe yeerippa, ajja kusigala nga kakutubba bukutubba mu kibbo ekiyitibwa Uganda. Kino tasaana kukikiriza.

Ng'ajaganya ku lwa Kasambula 31, Omuganda ateeddwa okuwera obuto okwemanya Obuganda bwe n'okukuuma ng'akalira ebyo byonna ebikira Buganda ye naye eby'okumuweesa obulambe nti Muganda. Bingi naye ebisinga obukulu olulimi lwe, ebyobuwangwa n'empisa z'eggwanga lye, kabaka we n'okwaniriza ab'amawanga amalala. Ebyo bye bikola Omuganda.

Mu Buganda eno empya erina Kabaka Mutebi II, alina okulabikirwa mu ebyo byonna by'akola okukulaakulanya embeera y'abantu b'omu bwakabaka bwe abamaze emyaka 27 nga babunzibwabunzibwa, ekigambo ky'okukuuma n'okukulaakulanya olulimi Oluganda lwe kisinze okwetagibwa ennyo okusinga bwe kyali kibatwe. Byonna ebyo ebyogeddwa waggulu enkuluze yaabyo lwe

lulimi oluganda. Singa tunaasuula omuguluka olulimi lwaffe, tunaaba twegabudde ffeka mu ddungu ly'okwezaaya n'okufumwanga obufumwa ku lukalu lw'Afrika nti naffe twaliwo.

Ssekabaka Daudi ChwaII (1897-1939) Kabaka wa Buganda ow'emirembe gino, eyalwanirira ennyo ebyobuwangwa n'empisa z'eggwanga lye wakati w'olutalo kasiggu olw'Abazungu abafuzi ne bannaddiini olw'okusaabulula n'oluvannyuma okuggyawo Omuganda yagamba bwati; "Mmaze ekiseera kinene nga ndowooza nti kyandibadde kirungi okuwandiika ku buyigirize n'obulabufu mu Buganda kasookedde Abazungu bajja mu nsi muno. Naye jjuuzi ebirowoozobyange byakyusibwa amangu ago okutunuulira omuze omuggya gwe ndowooleza ddala nti guleeteddwa obuyugirize n'obulabufu buli kimu mu ngeri yaakyo kyokka oba byombi nga bikolaganira wamu era omuze guno mpaliriddwa okuguyita "okwezaaya", olwokubulwa ekigambo ekirala ekisaanira ekituukanira ddala n'ekirowoozo kyange..... nga nnyongera okunnyonnyola okuyinza okutegeereza ddala kye *nn*enderera okutegeeza nti Abaganda mu kifo ky'okufuna obuyigirize obutuufu okuva mu masomero agatali gamu n'okufuna amagezi amatuufu ag'ebigambo by'obulabufu nnina okweraliikirira kungi nti omulembe omuto ogw'omu Bwakabaka buno bwonna gugenda guzaayisa buzaayisa empisa, engeri n'embeera zaabwe ennungi ez'obuzaaliranwa"

Mu Buganda eno empya, kitusaanidde okunyweza olulimi lwaffe Oluganda kubanga y'enkuluze y'ebyobuwangwa, nga tuddamu nate okulufuula olulimi olutongole e Mmengo jjuzi nalaba kkaada eyita abagenyi okugenda ku kijjulo ekyali kigenda okugabulwa Ssabasajja Kabaka, ng'ewandiikiddwa mu Lungereza. Ate ne ndaba olupapula olwali luwandiikiddwako ebbaluwa okuva mu woofiisi ya Katikkiro nga luwandiikiddwako ebigambo by'Olungereza ebitegeeza gy'eva. Sinnaba.olulala nalaba ennyinnyonnyola n'entegeka y'ebiruubirwa okukolebwa Minisitule emu mu gavumenti ya Ssaabasajja Kabaka nga byonna biwandiikiddwa mu Lungereza.

Kino si kituufu n'akamu. Buli lw'okozesa olulimi olutali lulwo ku bintu, ky'oba okkiriza kye kino nti munno gwe weeyaziseeko olulimi

okunnyonnyoleramu ebibyo y'akusinga. Ggwe oba mu kusaaga busaazi. Kuludda olulala tetusaanye kwewala kuyiga nnimi ndala. Si kibi. Tuziyige okutusobozesa okutuuka ku by'amagezi bye tutamanyi, okutusobozesa okwongera ku gaffe, okwegatta ku bannaffe mu nsi yonna, okukulaakulana.

Si b'e Mmengo bokka be basaanidde okukola kino. *ηη*amba okuzza Oluganda ku mwanjo mu byonna bye tukola mu ggwanga lyaffe Buganda. Ab'eddiini wano we baasookera era ne basimba omusingi omunywevu ogw'eddiini mu lulimi lwaffe olunnansi. Naye ennaku zino wazzewo omuzze gw'okugenda nga tufeebya olulimi lwaffe Oluganda so ng'ate ffe Abaganda aboogezi baalwo ffe tukyasingira ddala obungi mu ggwanga lyaffe era abettanira n'okukuuma eddiini ezaatuleeterwa ne tusiima.

(Bisimbuddwa Mu Ngabo Owa Nga 13/7/1995)

Ebibuuzo

- (i) Bintu ki ebikola obulabe eri omuganda nga bwe birambikiddwa mu kitundu?
(obubonero 5)
 - (ii) Mu bigambo ebibyo nnyonnyola ensonga Omuganda ezimugwanyiza okujaganya ku lw'amatikkirwa agookubiri.
(obubonero 4)
 - (iii) omutwe gw'embooji eno gwandibadde gugamba nti, "tunyweze olulimi Oluganda" Nnyonnyola bulungi.
(obubonero 3)
 - (iv) nnyonnyola bu.lungi mu ngeri ematiza n'golaga ng'abavubuka b'omulembe Omuchwa bwe bataalina njawulo n'Abaganda b'omulembe Omutebi.
(obubonero 2)
 - (v) nnyonnyola amakulu g'ebigambo bino nga bwe bikozezeddwa mu kitundu ky'osomye.
(obubonero 5)
- Enkuluze
N'ekitikiro
Kuwananya
Kasiggu
Tunaasuula omuguluka

EKITUNDU D

4. Ffunza ekitundu kino mu bigambo nga 120.

(obubonero 20)

AKOMA KU NJOKYE

Zaali ziwera kkumi n'emu nga bukya mwami Ssemukuutu n'ayita mukazi we n'amubuuza erinnya ly'omwana omugenyi ko ye nti "ye innocent". Bba y'adaamu nga atolotooma nti, " owa nno aliba innocent,oba nno ani yalonda erinnya nga eryo?" olwo n'akowoola nti ,"innocent,inoocenti.innocenti ono". Omwana yali ali mu tulo tuzibu. Bwe yayitibwa n'awawamuka era n'ayanukula nti, "wangi taata". Muli nga alowooza nti oboolyawo nga kitaawe yeekubye mu kifuba agenda ku mulamusaako.

Ssemukuutu n'amugamba nti,"Golokoka nkutwaleko nnina okudda ku mulimu. Weebale otulabyeko, abasajja tetukyala kisinga awo". Namusoke yagezezaako okuwakanya ekirowoozo ekyo, naye bambi nga afuuyira mbuzi mulere. Yamwegayirira amuleke olunako lumu, kuba yali atuuse kiro nga ne banne tebannamulaba.

Bba yalinnya mu Kyoto, ne yeeremera ddala, ye nga asazeewo kutwala mwana. Mukazi wattu nga adda mu maziga kukaaba n'omwana olwamuyita lwe lwamala nga agolokoka ayanguyiriza nga eyatega ogw'ekyayi olwo emmotoka yali emaze okussibwamu omuliro, nga omwana atuuzibwa mu kifo eky'emabega nga bw'amugamba nti "tuula eyo, mmwe baminista gye mutuula ffe abapakasi ne tuvuga"

Ebigambo ebyo n'ebikolwa byayongerera okukuza omutima gwa Tekiryamunaku, n'amanya nga bw'alina abantu abatono abamwagala. Yasaba Katonda ebyo ebiri nga ebikorimo,omukama abimuwaanyisizeemu bibe kulanga ky'aliba nga akuze. Naye nga alengera emiziziko ebiwonvu n'ebikko ko n'ensonzi empanvu mu bulamu bwe. Yasiibula nnyina nga bombi emmeeme zaabwe zennyise, emmotoka n'esimbula, ye n'akaaba.

Ekyasinga okumunakuwaza kwe kuva ku nnyina nga tamaze kumutottolera ebingi by'ayiseemu, n'okumusaba amusalire amagezi ag'okuvvuunuka ebizibu ebingi ebyali birengerwa mu maaso eyo. Era ne nnyina yalumwa nnyo,

obutamanya mwana we mbeera gy'alimu, anti nga yali akozze nnyo n'endabika okusinziira ku maka ga kitaawe nga sibwe yandibadde. Nnyina yasigala mulwadde mu mutima ne mu birowoozo.

Bwe baatuuka mu kkubo kumpi n'amaduuka ssemukutu yayimiriza emmotoka n'akyukira omwana n'amuyita nti, "minisita" omwana yasirika. Ye kwe kwongerako nti " owange omulenzi, nkuyita towulira?" ko omwana nti, "ssebo sitegedde nti obadde oyita nze". Yamuddamu nga atolotooma okukirako ssegwanga, nga abaana ba leero bwe babuzaabuza abakulu, n'amaliriza nga agamba nti, "kale ggwe obadde olowooza nti mpita an?" omwana n'addamu nti, " nedda ssebo"

Bombi baasiriikirira okumala obudakiika nga buubwo, ate taata kwe kumuddira mu ddooboozi eddungi nti, " mutabani, siba nga nkwerabizza ebbaluwa kitaawo gye yakuwa okuleetera maama, wagimuwadde?" ko omwana nti, "ssebo sirina bbaluwa gye nnaleese.

BIKOMYE WANO

